

Կ Ա Ն Խ Ա Բ Ա Ն

ՈՐՈՏ միանգամ ուշ 'ի կուրծս առեալ՝ փոյթ յանձին կալան յիշել զքաղաքն Սուրբ ԵՐՈՒՍԱԿԵՄ, և զմտաւ ածել զորպիսութենէ Հանգամանաց նորին, ուշիմ և հասուն խորհրդով 'ի խոյղ և 'ի խնդիր լինել զանազան արկածից և դիպուածոցն, զկրօնականացն ասեմ և զքաղաքականաց, որ եկին Հասին 'ի վերայ նորա 'ի պէսպէս դարս և 'ի յուլով ժամանակս, 'ի յոյզս խռովութեան և 'ի վրդովմունս աշխարհի. բանին ասաքէն առաջի նոցա ասպարէզ լայնածաւալ հոգեւորական եւ մտաւորական գիտութեանց, եւ աստուածային անսպառելի դանձ իմաստութեան, 'ի կիրս մարդեղութեան եւ 'ի խորհուրդս չարչարանաց Փրկչին մերոյ :

Թողեալ մեր 'ի բաց զբազմադարեան ժամանակս և զգործս Հրէական ասլգին, որոյ մայրաքաղաք եւ տեղի նուիրական եկաց քաղաքն ընտրեալ. իսկ 'ի ծագել Արեգականն արդարութեան յաշխարհին յայնմիկ, 'ի սիւսիլ և 'ի ծաւալիլ ճառագայթից Աւետարանին լուսոյ՝ ընդ ուրտս տիեղերաց քարոզութեամբ Առաքելոց, յաճիլ և 'ի զարգանալ քրիստոնէական Սուրբ հաւատոյ եւ ճշմարիտ կրօնի, առաւելագունի հասին շնորհաց և փառաց սատուոյ վեհավայր տեղիքն Տնօրինականք 'ի ձեռն բարեպաշտ թագաւորաց, իշխանազուն սլայազատաց, և համայն հաւատացելոց : Զի թէ պէտ և բազում անգամ արիութեամբ 'ի դիմի հարաւ բազմադէտ վշտաց եւ արկածից, արինասհեղ սպառերազմաց, անմեզ սպանութեանց, եւ անթիւ գերութեանց, որովք քարինք շինուածոցն և հոլ երկրին յուլիցս ողողեալ ներկան արեամբ ազգի մարդկութեան : Այլ իրրեւ արի ակոյեան արհամարհեալ զխոշ և զխուժ և զհոյլ տառապանաց և նեղչաց, կրկին և վերատին յարուցեալ եկաց յաւերականն՝ տարեալ զյաղթանակն փառաց, առեալ և զպտակն սարժանաց :